

ЖАҢАЛЫҚТАР

Ресей Украина қауіпсіздік қызметінің бас кеңсесіне дронмен шабуылдады

4 қыркүйек 2026 жыл, 18:57



Ресей дрондары 4 қыркүйекте Киевтегі Украина қауіпсіздік қызметінің (СБУ) бас кеңсесіне соққы жасады. Ғимаратта өрт шыққан.

Интернетте тараған фотоларда бес қабатты ғимараттың екі терезесінен түтін шығып жатқаны байқалады. Киев мэрі Виталий Кличко жеті адам жараланып, оның алтауы ауруханаға түскенін хабарлады.

Украина президенті Владимир Зеленский Украина қауіпсіздік қызметінің штаб-пәтеріне шабуыл жасалғанын, дрон қауіпсіздік қызметінің басшысы қызметін уақытша атқарып отырған Александр Покладтың кабинетіне бағытталғанын айтты. Покладтың өзі шабуыл кезінде орнында болмаған.

Зеленский "Ресейге жауап болады" дейді.

